

KONTROL MOZIOA

ETXEGABEENTZAKO EUSKAL ESTRATEGIA DONOSTIAN GARATZEA DELA ETA

Olaia Duarte Lopezek, EH BILDU udal taldeko zinegotziak, Udaltzatzen Organo Araudiaren 98. artikulua oinarri, mozio hau aurkezten du Udaltzatzen azter dadin. Mozioa 2019ko otsailaren 11an Pertsonen Batzordean aztertutako interpelazioaren ondorioa da.

JUSTIFIKAZIOA

2018ko apirilaren 18an, Eusko Jaurlaritzak, Enplegu eta Gizarte Politiketako Sailaren, Osasun Sailaren eta Ingurumen, Lurralde Plangintza eta Etxebizitza Sailaren bidez, Arabako, Bizkaiko eta Gipuzkoako foru-aldundiek, EUDELeK eta Bilboko, Vitoria-Gasteizko, Donostia-San Sebastiango, Barakaldoko, Getxoko, Portugaleteko, Irungo, Santurtziko eta Laudioako udalek, **erakunde arteko akordioa** sinatu zuten, **2018-2021rako Etxegabeentzako Euskal Estrategia** garatzeko.

Sinatzaileek adierazi zuten, estrategia honen bidez, nabarmen murriztuko direla –gutxienez % 20– kalean, Euskadiko udalerrri handietan, lo egiten duen pertsona-kopuruak, 2020rako. Gogora dezagun, gure hirian 2016ko kontaktetik 2018ko kontaktetara kale gorrian dauden pertsonen kopurua bikoiztu egin dela.

Horretarako, pertsona horiei laguntza emateko politika integralak eta helburuko orokorrak jasotzen ziren dokumentuan:

1. Etxegabetasuna prebenitzeko politikak sendotzea.
2. Euskadin etxegabeentzako egungo arreta-eredua berrorientatzea, pertsona oinarri duen eta etxebizitzara orientatzen den arreta-eredua sortzeko.
3. EAEko Gizarte Zerbitzuen Maparen zabalkundearekin amaitzea eta, horretarako, lurraldeetan baliabideen banaketa egokia egiten dela bermatzea, eta, bereziki, gizarte-bazterketarako egoeran edo arriskuan dauden pertsonentzako lehen mailako arretarako gizarte-zerbitzuak sendotzea, gizarte- eta hezkuntza-arloko eta arlo psikosozialeko kasuak eta esku-hartzeak kudeatzeko eginkizunei dagokienez eta ostatu-zerbitzuei eta goizeko eta gaueko harrera-zerbitzuei dagokienez.
4. Etxegabeek, osasun-eremuan, diru-sarrerak bermatzeko eremuan eta lan-aktibazioaren eremuan dituzten eskubideetara jotzen dutela bermatzea, bizitokia edozein dutela ere.
5. Premia bereziak dituzten etxegabeei ematen zaien arreta hobetzea eta, zehazki, bizitegi-bazterketa larrian dauden emakumeei ematen zaiena.
6. Etxegabeen problematikaren inguruko ezagutza koordinatzeko, ebaluatzeko eta kudeatzeko gailuak hobetzea.

7. Fenomeno horren gizarte-pertzepzioan eragitea, eragile komunitarioen inplikazioa sendotzea egoera horiei heltzeko eta pertsona horiek jasan ohi dituzten biktimizazio-egoerak prebenitzea.

Gainera, estrategiak 50 jarduketa zehatz proposatzen zituen, eta horiek honako bederlatzi ekintza-ardatz nagusi hauen inguruan antolatzen dira:

1. Bizitegi-bazterketa larriko egoerak prebenitzea.
2. Etxebizitzan oinarritzen den ikuspegia garatzea.
3. Gizarte-zerbitzuen eremuan gizarte-bazterketa larriko egoeran dauden pertsonetara orientatutako baliabide eta programak hobetzea.
4. Bizitegi-bazterketa prebenitzeko eta horri heltzeko politiketan genero-ikuspegia sendotzea.
5. Etxegabeek herritarren eskubideetara jotzen dutela bermatzea eta, horretarako, beren administrazio-egoera erregularizatzea.
6. Hobekuntza sektorialak osasunean, diru-sarreraren bermean eta enplegura jotzean.
7. Etxegabeek aisiara, hezkuntzara, gizarte- eta politika-partaidetzara jotzeko bide ematea.
8. Erkidegoak bizitegi-bazterketako egoerak prebenitzeko eta horiei heltzeko sentsibilizazioaren eta inplikazioaren eremuan hobekuntzak egitea.
9. Ezagutza koordinatzeko, haren segimendua egiteko, hura ebaluatzeko eta kudeatzeko neurriak hartzea.

Jaurlaritzak iragarritako estrategian ez zenez interbentzio neurri zehatzik jasotzen Donostiarako eta informazioa prentsaren bidez jaso genuenez, aho-batez onartua izan zen honako kontrol mozio hau aurkeztu genuen 2018ko maiatzeko udalbatzan:

1.- Udalbatzak hertsatuki eskatzen dio Udal Gobernuari Gizarte Zerbitzuen Zorroak bazterkeria eta kale egoeran bizi diren pertsonentzat jasotzen dituen baliabideak martxan jar ditzala lehenbailehen.

2.- Udalbatzak hertsatuki eskatzen dio Udal Gobernuari udal taldeekin eta etxegabeekin lan egiten duten eragileekin lan saio bat egin dezala Etxegabeentzako Euskal Estrategiak Donostian izango duen eragina azaltzeko.

3.- Udalbatzak hertsatuki eskatzen dio Udal Gobernuari urtarrileko udalbatzarrean aho batez onartutako mozioak jasotakoa bete dezala.

Hilabete honetan, gaia, berriro ere, batzordeetara eraman dugu aurretik aipatutako kontrol mozia ez delako bete eta, aldi berean, Donostiako Udalak 2016tik hutsuneak izaten jarraitzen duelako EAEko Gizarte Zerbitzuen Mapak gizarte-bazterketarako egoeran edo arriskuan dauden pertsonentzako arautzen dituen zerbitzuetan (pisu tutelatuak, esaten baterako).

Delegatuak batzordeetan adierazi duenez, departamenduak 26 neurri jasotzen dituen dokumentua egin du, horien artean: abegi etxea konbalezentzia prozesuetarako erabili, Gauekoaren interbentzio ereduak aldatu, diru laguntzak tramitatzeko laguntza eskaini...baina aipatu beharra dugu, horrelako neurriak martxan egon direla urte askotan zehar eta ez direla sortu estrategia berriari esker.

Gauzak horrela, faltan ikusten dugu udal gobernuaren aldetik Etxegabeentzako Euskal Estrategiaren muinean dagoen alorra indartzea, hau da, etxebizitza eskubidea eta hori indartzeko neurri zehatzak martxan jartzea Donostiako Etxegintzarekin batera.

Azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA:

1.- Udalbatzak hertsatuki eskatzen dio Udal Gobernuari Donostiako Etxegintzaren eta Gizarte-ekintzako sailen artean gida edo protokolo bat sortu dezala, bien arteko lankidetzazuzena bermatzeko eta bitartekaritza lanak egiteko pertsona edo familia bat etxerik gabe gelditzen arriskuan dagoenean edo etxerik gabe dagoenean.

2.- Udalbatzak hertsatuki eskatzen dio Udal Gobernuari Etxegabeentzako Euskal Estrategiaren helburua (Euskadiko udalerrri handietan, lo egiten duen pertsona-kopuruak, 2020rako gutxienez % 20a murriztea) neurtzeko metodologia bat definitu dezala, Donostian helburua betetzen ari den ala ez baloratu ahal izateko.

3.- Udalbatzak hertsatuki eskatzen dio Udal Gobernuari Berdintasun sailarekin landu dezala bizitegi-bazterketa prebenitzeko eta horri heltzeko politiken genero-ikuspegia.

4.- Udalbatzak hertsatuki eskatzen dio Udal Gobernuari Etxegabeentzako Euskal Estrategia gizarte-ekintza kontseiluan azaltzen duenean, Gizarte Larrialdietarako Udal Zerbitzuko gizarte langileekin batera egin dezala, bertako teknikariak direlako pertsona etxegabeen errealitatearekin aurrez aurre lan egiten dutenak.

Donostian, 2019ko otsailaren 15ean

Olaia Duarte López
EH Bildu udal taldeko zinegotzia